

雲和縣志卷八

署雲和縣知縣上元伍承吉修

古蹟

阮亭謝館轉瞬邱墟俯仰古今感慨係之窮水名流輩出考其遺蹟零落無餘加以地僻勢阻亦罕有宦轍游蹤藻飾溪山以資觀記者則埋沒豈鮮哉姑舉見聞所及書之以俟揆奇之士補遺焉

明舊縣治 在鯉魚山南明景泰初置治於此今常

平倉卽其遺址

互詳公署門縣治下 柳之元承樊明府招飲舊署避暑詩鳴琴河

朔上六月更清和天淨看鳧鷖風涼遠菱荷羣英咸暢敘雅意聽高歌最喜甘棠密何愁暑氣多

雲和縣志

卷之八

古蹟

太監局 一在縣北二十里石富

林志名石富宮局

一在縣

西五十里黃家畬明季內臣管鑛稅處

布政分司署 在今龍門坊明景泰四年知縣顧立建

按察分司署 在今龍門坊明嘉靖二年知縣胡希

銓建

府館 在今龍門坊布政分司署右

縣丞署 在鯉山南舊治穿堂左

主簿署 在鯉山南舊治後堂右

舊典史署 在鯉山南舊治幕廳西北

互詳公署門典史署下

國初舊縣治 在朝陽坊順治三年徙此今為箬溪書

院 互詳公署 門縣治下

浣花居 在朝陽坊舊治東廂嘉慶十三年知縣陳

治策建就隙地藝竹千株 陳治策種竹瑣言令窮

君自醫聊復爾爾也數年中清苦自給退食陶然

茲即隙地數弓以寒碧者補之匪惟傍厥清蔭常

浣詩脾也當夫春霆乍掣硯土行鞭嫩犢嶄然茸

茸角露雖兼味之為難喜囊頭之可漉借伊清供

足我老饕齋厨索然之中可以快意而大嚼焉東

坡云料得清貧饑太守渭川千畝在胸中後之泣

此土者母亦見吾文而為之噴飯也乎 又石符

詩平生愛澹甯温飽志非我菜根頻齧得能事庶

焉頗官舍齋厨冷守素帖而妥蔬筍氣尚餘隨宜

無瑣瑣胷中有渭川東坡腹猶果因貧故生饑笑

他文 與可

雲和縣志

卷之八

古蹟

二

舊教諭署 在黃溪祈豐橋南 陳志魁 閣右 今為尊經閣

互詳學校門教諭署下 署西舊有古桑一樹根

節魁塊枝葉蕭慘腹空而色黝寓雜木數本亦俱

拳曲曉日挂寒不風自動其狀似病者教諭朱昇

佑嘗賦以自况 朱昇佑病桑賦昔淮南子云桑

葉落長年悲况滄海無隣天風怒吹曾候旬而集

菀忽先秋而變衰葉未萎而菸芭樹雖靜而刁騷

貌離奇兮色古形銷鑠兮神焦蟲穿兮歛石齒虬

臥兮頓牆腰厄八輩之蠶繭危七子之鳩巢昔年

刀翦今時採樵彼夫古度君遷鬼庭帝屋血化青

羊膏乳蒼鹿螻局丹糾龍鍾黃竹樗多擁腫之林

楓有載瘦之族火熾兮冶梅根人來兮坐松腹匠

胡止而不聖材切大而錄桑秉土德上應箕星

后妃栢館帝女山經羽葆乘蜀屨絲貢青魯則一

千畝侯萬戶梁則三十株家二丁別有荆艷微行

齊娥小摘夫婿金龜使君玉勒羅敷彈陌上之箏

秋胡脫岸旁之憤眼流淚以雙紅樹無情而一碧

爾迺皮裂中空髮宣上槁愁幹杈悲條蕭標火

入心而雷生雲扶根而龍矯腹孕松幽核萌李小

溼螢涼葬鮮蟬枯抱蠅戶支簷蟻堂憂沼丞有蛆  
蝟者蠟羽無肅肅之鶴嗟嗟爾胡不育台桑之玉  
女妊空桑之媵臣拱殷廷之桑穀斬秦輅之桑根  
懸弧星樞播琴雲門野圈中牟雙雉社封南頓一  
豚盡驅石井之妖夢來探金環之後身又胡不生  
於姑兒之麓植於歐絲之鄉灌於爽水之側采於  
雅山之旁澤秀湯谷佩實隅陽其枝四衢其國三  
桑輝諸種美大堯華黃崇縣嬰而封主亦桑林之  
可觴余乃釋呂氏之旨證莊生之篇用無用而用  
大材不材而材全痼木斯疾醜條弗妍孰繩孰墨  
非方非圓惟偃息於苜蓿  
之圃得長保此桑榆之年

石塘軍營 在縣東石塘上里許俗呼水營盤康熙

間惠獻貝子福喇塔破閩賊故壘今為民居

親民堂 在鯉山南舊治

忠愛堂 在鯉山南舊治

雲和縣志

卷之八

古蹟

三

永思堂 在縣西二都明司訓王驥故居案驥字尚德二都人

仕故城司訓林志有太守馬偉賦王尚德永思堂詩

桂軒 在今龍門坊元縣尹王挺故居

雲谷軒 在鳳凰山下明處士王海澄別業會榮雲谷軒記

栝蒼之鳳山有谷谿鈇空洞而深窈雲氣常浮游  
吞吐於其間而樂善王君之居密邇於此乃築軒  
而名之曰雲谷以屬其友謝廷循來請予記之夫  
雲之為物滃然上升彌布大空可以水下土而蘇  
萬品而谷則虛而有容有君子謙受之意焉雲固  
谷之所起而谷為雲之所歸王君於此其將有志  
於澤物歟抑其謙卑自牧將以虛已而受於人歟  
予聞王君年已六十餘侵尋衰暮之景卷舒自得  
與造物者為徒超鴻濛而混希夷觀孔子浮雲之  
意讀老氏谷神之章泊焉栖息夫虛空之地宜其  
有契於中而以名其軒也乎乃從而歌之曰雲之  
悠悠兮去而還留谷之颺颺兮浮而可休幽人吐

納於茲兮是仇穴與丹邱  
雲谷絕纖塵雲自閒閒谷自深我亦平生愛幽雅  
谷邊可借半牀陰自注云為監  
丞王存誠賦案存誠海澄仲子

退谷軒 在獅山普仁寺左偏

清趣亭 在鯉魚山明處士王德均建  
蘇伯衡清趣亭詩山林長

往者巖壑最幽處探奇歷蒙密信步忘杖屨漁樵  
席屢分妻子首恒聚村酒任意沾野菽隨宜其清  
心但焚香遣興聊覓句閒即抱書讀睡還隱几寤  
遊魚泳深池好鳥鳴高樹物性一何適俯仰本同  
趣此事真足樂其人良可慕子永謝樊籠吾猶絆  
羈馬安得為近居朝暮共來去  
吳邦直詩伊人  
脫塵鞅投閒事幽尋築室遠人境開軒面遙岑冷  
洽清溪水閒閒嘉樹陰侵晨理華髮零露沾衣襟  
跌坐簷陰下浩然發長吟  
王良晟詩青對門前  
綠連軒高人清趣在林泉鶴翻翠滴松間露魚躍  
蘋開水底夫芳草簷階移榻坐落花庭館枕  
書眠巢由幸際唐虞世贏得閒身樂暮年

雲和縣志 卷之八

古蹟

四

覺是亭 在沙洽橋南倚溪之側明知州吳浩建  
何

覺是亭詩歸來陶令幾經春覺是亭中得養真獨  
嶼峰頭常帶雪浮雲溪口早知津化通南海思循  
吏道在東山豈避人歲暮天  
涯堪倚杖題緘為報隴梅新

快哉亭 在獅山望翠峰

國朝康熙間知縣陳世超建

銘恩亭 在縣東石塘孤山乾隆間知縣王樂建中

奉甯海將軍固山貝子王恩績碑今改為祠  
柳翔鳳銘

恩亭紀功碑歌石塘溪上亭峙此一片石亭廢摩  
讀石上文百四十年事可撫康熙甲寅閩氛猖獗  
項夜鳥嘯枯蒼乙卯天兵遂南下窮寇負嵎踞石  
塘黔黎遁入深山哭蕞爾殘疆支不足倚山阻水  
廿八營隔岸壁壘增修築台温返正由將軍盪定  
山鄉閱丙辰滿漢勁旅搗巢六一鼓崑崙已策勳

渡河更取前溪壘天塹何能長自恃斬首七千鼠  
竄多醜血成渠滾江水萬人鼓舞途路中捷書飛  
達銷狼烽乘勝長驅進閩嶠後此買犢歸春農是  
時文襄李鄴園仙霞關上雄師屯文襄善守公善  
戰天潢宿將超絳灌我向歐江數勝遊豐碑紀  
績尤難算君不見羣山蒼莽枕寒流指點遺營說  
故侯石泐篆刻縱有日心脾元氣足千秋

攬翠亭 在獅山左附一名培峯亭乾隆間知縣竇綰建

基陞尚存玉樹英培峯亭詩亭在培峯高亭祀峯如故不如無此亭天教烟雲護

遊獅山登培峯亭詩培峯亭上遠凝眸水色山光一望收看到樹深烟靄處山城如斗枕寒流

雙桂樓 在黃溪北隅明僉事王一卿讀書處

文明閣 在獅山上乾隆間知縣竇綰建竇綰建文明閣暨攬翠亭記雲邑巽方一峯桀然聳秀者曰獅山余於

癸巳春承乏茲土公務往來每望是山溪水遶其

雲和縣志 卷之八 五 六

外松竹蔚其中意謂地靈者人必傑卓犖特達之  
英或世不乏人歟乃自有明建治以來幾三百年  
通籍者寥寥豈山川鍾毓之氣可信而未可信耶  
甲午新正之二日簿書餘暇選勝東南至獅山之  
麓拾級而登長松蔭地元鶴唳天西望城郭蔥蔥  
鬱鬱時隱見於霏藍翁黛中山之正面地平如掌  
其南最高處峰峭如削相度形勢平如掌者宜建  
閣以攬其勝峭如削者宜建亭以助其奇然是非  
徒以一閣一亭壯遊觀已也攬之形勝家言巽為  
文明方宜高聳則人文輩出而獅山適當邑之巽  
地啓之闢之為輪為奐以符形勝家之言則興學  
校而啓文明其在斯山乎其在斯山乎乾隆甲午  
夏孟

櫛林 嘉慶陳志雲和一名櫛林案宋初以鄉多櫛木故名

金村 在坊郭明御史金忠居此

元王嚴別業 在今龍門坊伯篤魯丁過浮雲甯王少府留宿詩麥雲及盡

草青青白叟黃童喜送迎海宇有生皆樂歲遐荒  
無地不昇平溪頭垂柳聽鶯去岸曲藏花信馬行  
喜有主人留客醉旋挑竹筍煮魚羹買住詩馬  
首山光潑眼青柳邊童叟遠相迎花飛南苑芳春  
暮樹影西樓夜月平野鳥喚人聲正活林翁勸客  
酒初行明年我亦燕山去稻可供炊魚可羹  
邦直詩東風吹暖草青青花鳥連村解笑迎深塢  
晚烟千樹暝斷橋春漲兩溪平高人收鶴松陰出  
使者乘驄柳外行自分雪泥留爪印過從叨許飲  
盃羹朱希詩浮雲山郭繞流青山影橫秋似笑  
迎亂塢碧雲樵徑遠斷橋紅樹釣磯平繡衣瀟灑  
吟方就野葛逍遙酒再行多少客懷歸興逸料應  
張翰憶魚羹

明柳杲故宅 在今龍門坊 案杲宅後為分司署

明沈暎故宅 在縣東南沈村 沈暎入山十詠自入山中來無事只靜坐

一日是三日堯夫不如我自入山中來布袍與草屨或向水邊行白鷗不飛起自入山中來獨立不

雲和縣志 卷之八 古蹟 七

知久地穩腳根定風波復何有自入山中來午窗  
睡常足枕上數青山夢回亦不俗自入山中來作  
事只遇喜流水窗前書亦或閒誦此自入山中來  
吟詩無腹稿興到時一鳴不計好不好自入山中  
來老眼望亦遠黃鳥林外歸白雲天際卷自入山  
中來理亂不入耳松風窗外聲所聞只如此自入  
山中來濁酒時自啜莫道無人語盃中有明月自  
入山中來別有一般樂樂處忘自笑笑處不自覺

明王一卿宅 在今龍門坊

明吳一鯤故宅 在沙冷橋下 案今橋下南岸人稱下吳即其地

初時故址猶存柳之元過吳一鯤故宅有感詩  
憶昔兒時到此行曾騎竹馬過階廳豈知蔓草荒  
庭宇在說藤花護水亭題壁謾留今日句寫旌空  
憶舊時銘可憐往事隨流水剩有雲山半畝青

溜冰精舍 在縣東南仙瀑巖下相傳明副使沈暎

讀書處

馬跳礮 在縣北石富有石露水面平坦如砥有馬跳痕相傳唐馬真人道成之日曾駐此

龍爪石 在縣西沙溪莊後平疇中突出五石長六尺許如五指然左一石自跗至冢高一丈肌理紅膩鑿有雲根二字大於掌其旁小字缺蝕不可辨

青烏家謂地有靈脈此為石龍露爪之形

瑞柏石 在儒學訓導署前康熙間重修廟學庭柏

更生邑人刊石紀瑞踰歲柏萎石沒荆莽間道光

元年訓導王武錫得石後圍有瑞石圖詠互詳學

導署下王武錫瑞柏石記雲和處鉅枯山坳為前賢游蹟所不到故無名勝可紀有宋嘉熙勅建

雲和縣志 卷之八

古蹟 八

福勝廟石高不及咫亦未採入金石錄辛巳春二月余得石後圃上有瑞柏字移立牆陰攷志康熙己巳知縣林公汪遠重修學宮廟庭柏更生人以為登科之瑞因鑿石載志圖內而柏旋萎石亦仆不起余任十年無言及之者因喟然曰石以柏而有今柏亡而石猶存且復出於世意瑞徵其在今茲乎及秋門下士魏生果舉於鄉以一百三十三載前之所謂瑞而予身親見之豈石之有知能通乎顯晦之理乘天之時効地之靈以作人之瑞抑人自為之適余得是石之歲是皆不可知他日增入縣志大書曰道光元年訓導王某重立康熙二十八年邑人所刊瑞柏石是年廩生魏文瀛鄉試中式亦可以云瑞已亦可作一邑一時佳話已因記之壬午閏三月程文淦詩巽中託先師草木亦可敬桃李華實兼松柏獨也正櫛櫛冰雪場柯葉不改勁亮無媚世姿取充多士慶豈知雲和校有柏章瑞應枯枝倏而榮共占科目盛勒石久無徵委棄湮井窵我友王寄廬通材偃蹇性一官荒山陬閒於朝奉請爬搜榛莽中短榻發跟頰依稀瑞柏字訪獻考邑乘審自康熙朝枝條已無騰移

置庭牆陰拂拭苔蘚淨相得健筆扛若對老榦硬  
是秋門下生當塗一戰勝喜日果祥符天荒破贈  
蹀落落青袍士重爲石友聘沙雨領受新風雲主  
持定古來膠庠選棧樸化資聖今課帖括言槁項  
短燈檠柏耶爾何神桂窟關捷徑寄廬節磊砢羞  
與擁腫競屈抑培塿巔高歌貧非病著賦準班揚  
談經折賈鄭要爲干載計樹木特餘興翹秀得所  
承青雲致身竟可知瑞由人他莫司其柄不爾集  
于苑前此爭自命胡侯百年逾一拳獲左證繪圖  
景物妍題壁名流覲吾言真陋儒固哉慎勿聽

### 坊表

陸清獻志靈壽不載坊表尙闕脩也願表厥宅里  
樹之風聲昔之彰德勸賢者深矣雲雖兵燹迭更  
遺蹟之存什不得一表而出之猶有仰止之思焉

騰蛟坊 在儒學左舊爲崇文

### 雲和縣志

#### 卷之八

坊表

九

起鳳坊 在儒學右舊爲慕道

牧愛坊 在鯉山南舊治前

進士坊 在大街東明成化三年知縣劉潔爲天順

甲申進士金忠立今廢

繡衣坊

直諫坊 並爲御史金忠立今廢未詳所在

折桂坊 在大街東明成化五年知縣杜昭爲戊子

舉人王錦立今廢案折桂坊今廢已久址在朝陽

相去數十武有邑人柳翔鳳記柳翔鳳折桂坊  
記前明鄉先生王公諱錦者生而穎異力學善屬  
文弱冠登成化戊子賢書邑侯杜公昭爲之請於  
朝建坊表之錫名折桂此坊所由昉也侯何以請



雲舊隸麗水景泰三年析麗邑之西置浮雲元和二鄉創立縣治設官置學至戊子而公遂獲雋是開縣之首薦者自公始侯為之請建坊宜也夫莫為之先雖美弗彰公值有明最盛之朝人才輩出各邑科名不絕獨雲之登甲乙榜歷仕途者俱歸麗陽版籍而分治之後區區百里地在萬山中設不有人焉首登科第文風不減色乎乃公以英年蜚聲庠序高掇巍科為邑人導先路厥後登榜者成化則陳公琦宏治則沈公暎沈旋成進士嘉靖則吳公浩葉公應春應暘王公一卿萬歷則葉公雲初葉亦成進士終有明之代未嘗乏人不均於公為步後塵者耶坊在西陽里下街與沈公進士坊相去數十武今雖圯矣而址石尚存我公少年步蟾擢秀其流風餘韻至今猶芬人齒頰桂林一枝雲衢照映邑之人與有榮施豈獨王氏一族之望也哉王氏纂修家乘其裔余友凌雲翼慮其蹟之湮沒不傳也臚巔末請記於余余久居折桂坊之左信其事之有徵因不揣固陋而樂為之記公父諱田公兄弟六人其三諱銓字尚賢以明經訓導平江平江者今之吳閫也例得附傳於後

雲和縣志

卷之八

坊表

十

攀龍坊

明成化二十三年知縣□□為丙午舉人

陳琦立今廢未詳所在

案攀龍坊為明成化丁未知縣某請建陳志隸名劉

燦考燦任事在宏治十四年丁未為成化二十二年燦是時尚未履任似有誤今仍闕名以志存疑

賜進士坊

在大街尾今東仁坊明宏治十八年知

縣劉燦為乙丑進士沈暎立

秋官坊

明萬歷元年知縣黃一桂為刑部廣西司

郎中王一卿立今廢未詳所在

賢大夫坊

明萬歷六年知縣蕭淵為姚州知州吳

浩立今廢未詳所在

孝子坊

在朝陽坊

國朝雍正十三年知府曹掄彬爲孝子王家較立

百歲坊 在縣北三十里瑞灘莊

國朝道光十九年知縣阮應奎爲百二歲老人饒玉簡

立

貞孝坊 在朝陽坊爲天台教諭魏精孝女魏氏暨

長孫式孟聘室貞女張氏立

節孝坊 一在黃溪臨川橋北爲生員吳樂孔妻王

氏立 一在東仁坊爲生員王清藩妻項氏暨子

媳生員毓蘭妻姚氏立 一在縣西五里貴溪莊

爲儒童王大銓妻林氏立 一在縣西五十里黃

雲和縣志

卷之八

坊表

十一

家畬爲李五滿妻劉氏暨子媳生員夢庚妻柳氏

立 一在縣東四十里石塘莊爲生員顧鵬繼妻

葉氏立 一在縣東五十里規溪亭爲郭文信妻

葉氏立

冢墓

昔秦人不樵柳下季之墓知浩魄所藏千載下尙

有生氣芻牧宜禁加之封植豈曰一坏土哉至見

存墓碣足以表章往行並宜附綴以俟弔古者摩

挈云

唐工部尙書梅系墓 在沙冷橋頭南園尙書李昌

之銘其墓

案梅氏家乘稱李昌之撰尚書神道碑文凡六百九十字所書事蹟與正史多不同甚似誇飾以示觀美者碑舊在大慶寺今已無存傳為國初縣令宋雲會移置他用考雲會宰邑頗留心文獻斯言殆未可據

唐武甯侯梅瑒墓

在縣西八里柘野後山茶園

梁都錄吳瑞墓

在縣西四里貴溪前巷

宋兵部尚書陳倪墓

在縣東五里睦田東岡

宋大理評事王抱墓

在縣西十里洋背侍讀真德

秀銘其墓

真德秀王評事墓誌隆興年九月宜人胡氏相繼卒又明年丁亥五月合葬於柘野溪傍洋背之原及期公婿梅泯攜其行狀來乞銘於予公嘗與予同官大理寺有故交誼弗能辭也爰為之誌其略公諱抱字素袍其先世家

雲和縣志

卷之八

冢墓

十二

西江八世祖朴精韜略官後周樞密使高祖沔宋參知政事祖元景祐間為處州刺史有善政及民民懷之因占籍於麗水之柘野鄉府君惟孝鄉飲賓母葉氏娠公時夢霓衣神女抱一子與之遂生公因名曰抱公兒時智識明慧屹如成人比長克自樹立力學弗倦性孝友為人簡重謙和言恂恂若不能出諸口心通經史博及諸子百家書大觀四年辛卯年十八登釋褐進士第旋擢大理評事廉潔律已持法甚平嘗泄公座厲聲言曰食君之祿者當秉赤心而勿汚羣吏憚之皆以勤謹相勸勉僉曰此公正人宜昌厥後矣年既耄乃致政願養於家嘗訓子弟治生止十畝之產勿過求贏餘公子弟故皆以清白節儉自持公致仕後予亦謝大理寺政弗相通問越一十餘載今奉朝命採摭文字抵江東因公婿來乞銘始知公卒悼念故舊為泣然流涕者久之公生於元祐八年甲戌九月十一日卒於隆興二年三月十八日享年七十有一明年五月公與宜人胡氏合葬焉成公志也公一子名俊子婦陳氏皆以孝聞於鄉女一適進士梅泯即來乞銘者孫男一名懿為後起之秀是

宜銘之以彰公德銘曰翳惟王公迪厥德修厥身  
涖官廉敏爲國名臣今歸窀穸旣安且固以利其  
後人乾道三年丁亥八月

宋常州通判梅守卓墓 在縣東七里獨嶼嶺外

宋侍御史梅杞墓 在縣東七十里大杉源山尙書

許應龍銘其墓

宋太常博士梅文墓 在縣南七里東塘

宋縣丞梅一飛墓 在縣東一里月山

宋知縣柳寬夫墓 在縣西二里角山墳記尙存子

孟仁述見續栢蒼金石志 柳惠叔壙記先君諱寬夫字惠叔第廿二自晉

分東西眷世爲處州麗水浮雲人曾祖不仕祖深故迪功郎父可久故將仕郎母葉氏大師衛國

雲和縣志 卷之八 冢墓 十三

公樞密翁親妹公出鎮會稽該遇紹熙五年明堂  
恩折京秩以迪功郎補初蒞章貢戶丁艱  
授宜春簿次陽知錄次宰邑安望再調華  
亭監事改通直郎致仕先娶龍泉林氏無出再松  
陽劉氏生子六人長男孟仁娶平陽陳氏次仲雋  
娶同里徐氏幼季娶王氏長女適郡城修職郎  
徽州績溪簿趙汝祿次繼姻幼適里人梅嗣祖而  
亡先君生於乾道己丑三月十五日辰時卒於紹  
定戊子二月十八日戌時享年六十母劉氏後一  
月繼喪葬於東塘雷岡孟仁等謹卜辛卯年七月  
初一日乙酉奉靈軒窆於角山之  
陽泣血敬誌諸壙 亥山巽向

宋信州知府何潤墓 在縣東三十五里石塘嶺成

順源丞相何澹銘其墓 案潤龍泉人爲太傅執中會孫丞相何澹季父滔熙

辛丑進士官信州知府見龍泉縣志

宋戶部侍郎何處久墓 在縣北十五里石富華奴

源即今俗稱天官墓案處久知府潤長子嘉定辛丑進士官戶部侍郎

宋倉部郎中何處信墓 在縣東四十五里張村吳

山案處信丞相澹三子以父澤官倉部郎中

宋南豐主簿柳慆墓 在縣西二里角山

元陶清縣尹王挺墓 在縣西一里角山

元邵武同知柳應龍墓 在縣西二里角山

元縣丞王巖墓 在縣南二里吳山翰林黃潛銘其

墓

明廣東布政使陳宗銘墓 在縣北後厯案今鳳凰山後

明常州同知柳景府墓 在縣北五里五花嶺

雲和縣志 卷之八 冢墓 十四

明錦衣衛顧勤墓 在縣東四十里陳莊案勤石塘人洪武間

征聞有功授南京錦衣衛典仗隨韓王往陝西陞儀衛司千戶

明祁門知縣顧均得墓 在縣東四十里石塘營盤

明上林苑監丞王存誠墓 在白龍山祭酒吳節銘

其墓

明知州陳琦墓 在縣西十五里臨海舖

明山東副使沈陳墓 在縣東十五里鴛鴦塘案今墓前

有陳暨妻金氏誥命碑附載於此 誥命碑奉天

承命皇帝制曰兵部之屬四司職業各異郎官之

秩五品長貳相資顧惟車駕之繁實繫邦國之重

所徵歷試曷稱簡求爾兵部車駕清吏司員外郎

沈疎器識閱通性資端厚蚤登甲第首領州符愛

民每緩乎徵需體國務勤於撫字進升駕部佐長

乃僚綉理有方才既精於庶務操持罔玷心不愧於四知蓋惟仕既久而問學益勤故其任寔崇而賢能益著屬當大慶預示褒榮茲特進爾階奉直大夫錫之誥命於戲恩出常科慎毋忘於報稱功惟懋賞尙有待於登崇益究乃心嗣膺予寵欽哉制曰夫婦有齊體之義風化所關朝廷有並命之褒典章斯具况乃賢能之配可無推錫之恩兵部申駕清吏司員外郎沈陳妻金氏言容有常禮法自守秀鍾舊族德配英流既儉且勤懿德行於閨闈惟慈而孝賢聲播於族姍婦道既脩褒章宜錫渙揚綸綍式耀禴禕茲特封爲宜人尙敦順正之風益迓駢蕃之寵正德六年正月十八日

明教諭顧梁墓 在縣東四十里平地新處後

明訓導顧滿墓 在縣東北五十里泉溪巖塘

明贈清吏司王天秩墓 在白龍山

明廣西僉事王一卿墓 在縣北三十里三望潭飛

雲和縣志

卷之八

冢墓

十五

鳳山

明教諭顧伯視墓 在縣東四十里孫家地

明教授王一邵墓 在縣南七里東塘

明教諭顧可望墓 在縣東四十里塘河底

明醴泉知縣梅文光墓 在縣北八里河阮東園

明訓術梅靖真墓 在眠犬山壙記尙存副使沈暎

撰文

沈暎梅訓術壙記嘉靖三年十月冬陰陽訓術致仕梅公靖真壽藏成請予記其母余母

梁宜人姊也真於余爲中表兄弟情不可辭乃接其實序之梅氏自諱陵者居栝至諱系者仕唐爲尙書有盛名歷宋而下若守卓若一飛者皆繼迹爲顯宦在縣郭以巨族稱者莫過焉至公之身克成其家爲人率直樂易與物無競人無大小無不受之凡借貸租佃之類未嘗與人較盈縮自少而

壯而老未嘗與人訟曲直其經財守已出於庸流  
遠甚亦其性也宏治間授前職拜恩闕下冠裳之  
貴光動一時甫十餘年即謝以投閒日事生業而  
家益裕子孫繁昌然好修禮義以燕翼後人莫不  
以是賢之景泰七年丙子七月二十三日迄今乙  
酉正七十年乃謂人生百年七十古亦稀矣歸還  
大造理所不免遂於鳳凰山前眠犬山之陽擇善  
地作窆壙為歸藏之所復創屋置田諸凡經理皆  
極其美為子孫計事成而聞於余余謂公承祖父  
之澤致身家之光享厚福躋高年能於未老之時  
為歸藏之計誠與世之齷齪貪生惡死者不同古  
之聞人歿則有哀有誄有輓以傷其生葬則有誌  
有銘有表以傳於後今賢若公而有餘得為而為  
之固非失於誇也夫何過且於其身自記其實者  
古惟杜牧而已人稱為達公之此舉亦庶幾矣是  
可書也考諱滄妣梁氏以勤儉起家為鄉閭所稱  
厥弟靖觀靖甯克昌其業友愛無間言娶王氏勤  
綜家務小大無遺公潤其家內助之功居多焉且  
和樂偕老與公自少無疾病誠一鄉之福人也子  
男五長恩榮官應琴次應潮應江應淮應海皆克

雲和縣志

卷之八

冢墓

十六

家成立女二長適牛都督之弟樟為雲邑庠生次  
適王監丞之孫天茂各宜其家孫男文璞文憲文  
瑞輩皆聰慧可教異日必有顯者以  
亢其宗侯續書也嘉靖四年秋八月